

**TILSKIPUN RÁÐSINS 96/35/EB**

frá 3. júní 1996

**um tilnefningu og starfsmenntun og hæfi öryggisráðgjafa við flutninga á hættulegum farmi á vegum, járnbrautum og skipgengum vatnaleiðum(\*)****RÁÐ EVRÓPUSAMBANDSINS HEFUR,**

með hliðsjón af stofnsáttmála Evrópubandalagsins, einkum 75. gr.,

með hliðsjón af tillögu framkvæmdastjórnarinnar <sup>(1)</sup>,

með hliðsjón af álitum efnahags- og félagsmálanefndarinnar <sup>(2)</sup>,

í samræmi við málsmeðferðina sem mælt er fyrir um í 189. gr. c í sáttmálanum <sup>(3)</sup>,

og að teknu tilliti til eftirfarandi:

Flutningar á hættulegum farmi, bæði innanlands og milli landa, hafa aukist verulega með árunum og eykur það slyshættu.

Sum þeirra slysa sem verða við flutning hættulegs farms má rekja til ónógrar þekkingar á áhættunni sem felst í slíkum flutningi.

Nauðsynlegt er, með hliðsjón af framkvæmd hins innri flutningsmarkaðar, að samþykkja ráðstafanir til að bæta forvarnir gegn þeirri áhættu sem fest í slíkum flutningi.

Í tilskipun ráðsins 89/391/EBE frá 12. júní 1989 um lögleiðingu ráðstafana er stuðla að bættu öryggi og heilsu starfsmanna á vinnustöðum <sup>(4)</sup> er ekki kveðið á um ráðstafanir til koma í veg fyrir þá áhættu sem felst í flutningi á hættulegum farmi.

Þess skal krafist af fyrirtækjum sem stunda flutning eða ferðing eða affermingu hættulegs farms að þau fari eftir reglum um forvarnir gegn þeirri áhættu sem felst í flutningi á hættulegum farmi, hvort heldur er á vegum, járnbrautum eða skipgengum vatnaleiðum. Í þessu skyni skal tilnefna öryggisráðgjafa við flutninga á hættulegum farmi sem búa yfir nauðsynlegri starfsmenntun og hæfi.

(\*) Þessi EB-gerð, sem birtist í Stjttíð. EB nr. L 145, 19. 6. 1996, bls. 10, var nefnd í ákvörðun sameiginlegu EES-nefndarinnar nr. 6/97 frá 28. febrúar 1997 um breytingu á XIII. viðauka (Flutningastarfsemi) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

<sup>(1)</sup> Stjttíð. EB nr. C 185, 17. 7. 1991, bls. 5 og Stjttíð. EB nr. C 233, 11.9. 1992, bls. 5.

<sup>(2)</sup> Álit var skilað 27. nóvember 1991 (Stjttíð. EB nr. C 40, 17. 2. 1992, bls. 46).

<sup>(3)</sup> Álit Evrópuþingsins frá 15. maí 1992 (Stjttíð. EB nr. C 150, 15. 6. 1992, bls. 332), sameiginleg afstaða ráðsins frá 6. október 1995 (Stjttíð. EB nr. C 297, 10. 11. 1995, bls. 13) og ákvörðun Evrópuþingsins frá 17. Janúar 1996 (Stjttíð. EB nr. C 32, 5. 2. 1996, bls. 49).

<sup>(4)</sup> Stjttíð. EB nr. L 183, 29. 6. 1989, bls. 1.

Að starfsmenntun lokinni skulu þessir öryggisráðgjafar búa yfir þekkingu á þeim lögum og stjórnsýslufyrirmælum um slíkan flutning sem liggja til grundvallar.

Aðildarríkin skulu setja sameiginlegar lágmarkskröfur um starfsmenntun og hæfi sem staðfest er með prófi.

Aðildarríkin skulu gefa út vottorð sem eiga sér fyrirmynd í bandalaginu til staðfestingar á starfsmenntun og hæfi ráðgjafa þannig að handhafar þessara vottorða geti stundað starfsemi sína hvarvetna í bandalaginu.

Starfsmenntun og hæfi öryggisráðgjafa stuðlar að betri þjónustu fyrir notendur. Starfsmenntun og hæfi draga einnig úr slyshættu sem valdið gæti óbætanlegum skaða á umhverfinu og alvarlegum slysum á fólki sem kemst í snertingu við hættulegan farm.

**SAMÞYKKT TILSKIPUN ÞESSA:****1. gr.****Markmið**

Aðildarríkin skulu gera nauðsynlegar ráðstafanir í samræmi við kröfur þessarar tilskipunar til að tryggja að fyrirtæki, sem stunda meðal annars flutninga eða ferðing eða affermingu hættulegs farms á vegum, járnbrautum eða skipgengum vatnaleiðum, tilnefni hvert um sig eigi síðar en 31. desember 1999 einn eða fleiri öryggisráðgjafa um flutninga á hættulegum farmi sem skulu reyna að koma í veg fyrir að eðlislæg hætta af slíkri starfsemi skapist fólki, eignum eða umhverfi til tjóns.

**2. gr.****Skilgreiningar**

Í þessari tilskipun er merking eftirfarandi hugtaka sem hér segir:

- a) „fyrirtæki“: einstaklingur, lögaðili, hvort sem hann starfar með hagnaðarvon eða ekki, samtök eða hópur einstaklinga án réttarstöðu lögpersónu, hvort sem hann starfar með hagnaðarvon eða ekki, eða opinber stofnun sem hefur réttarstöðu lögpersónu eða heyrir undir yfirvald með slíka réttarstöðu, er flytur, fermir eða affermir hættulegan farm;

- b) „öryggisráðgjafi við flutning á hættulegum farmi“, hér eftir nefndur „ráðgjafi“: einstaklingur sem er tilnefndur af yfirmanni fyrirtækis og sinnir þeim verkefnum og gegnir þeim skyldum sem skilgreindar eru í 4. gr. og er handhafi vottorðs um starfsmenntun og hæfi sem kveðið er á um í 5. gr.;
- c) „hættulegur farmur“: vörur skilgreindar sem slíkar í viðauka A við tilskipun ráðsins 94/55/EB frá 21. nóvember 1994 um samræmingu á lögum aðildarríkjanna varðandi flutning á hættulegum farmi á vegum <sup>(1)</sup>;
- d) „starfsemi“: flutningur á hættulegum farmi á vegum, járnbrautum eða skippengum vatnaleiðum, að frátöldum skippengum vatnaleiðum í aðildarríki er tengjast ekki skippengum vatnaleiðum í öðrum aðildarríkjum og ferming og afferming hans.

### 3. gr.

#### Undanþágur

Aðildarríkjunum er heimilt að ákveða að ákvæði þessarar tilskipunar gildi ekki um fyrirtæki:

- a) sem flytja hættulegan farm með flutningatækjum sem eru í eigu hersins eða á þeirra ábyrgð,
- b) sem flytja minni einingar en þær sem eru skilgreindar í spássíunúmerum 10010 og 10011 í viðauka B við tilskipun 94/55/EB, eða
- c) sem hafa flutning á hættulegum farmi, eða fermingu eða affermingu hans, hvorki sem aðal- né aukastarfsemi en taka stundum að sér flutninga á hættulegum farmi innanlands, eða tilheyrandi fermingu eða affermingu hans, sem felur í sér litla hættu á mengun.

### 4. gr.

#### Hlutverk og tilnefning ráðgjafa

- Helsta verkefni ráðgjafans er að leita viðeigandi leiða og grípa til viðeigandi aðgerða, innan marka starfsemi fyrirtækisins, til að auðvelda framkvæmd starfseminnar í samræmi við gildandi reglur á eins öruggan hátt og kostur er og skal yfirmaður fyrirtækisins bera ábyrgð á störfum hans. Hann skal gegna þeim störfum sem skráð eru í I. viðauka og snerta starfsemi fyrirtækisins.
- Ráðgjafinn má jafnframt vera yfirmaður fyrirtækisins, einstaklingur sem hefur aðrar skyldur innan fyrirtækisins eða einstaklingur sem starfar ekki hjá því fyrirtæki, að því tilskildu að hann sé fær um að sinna skyldustörfum ráðgjafa.
- Hvert hlutaðeigandi fyrirtæki skal veita þar til bærum yfirvöldum eða stofnun sem hvert aðildarríki tilnefnir í þessu skyni upplýsingar um hver ráðgjafi þess er, fái þau beiðni um það.

<sup>(1)</sup> Stjótt. EB nr. L 319, 12. 12. 1994, bls. 7.

### 5. gr.

#### Vottorð um starfsmenntun

- Ráðgjafi skal vera handhafi vottorðs bandalagsins um starfsmenntun, hér á eftir nefnt „vottorðið“, sem gildir fyrir þá flutningsaðferð eða -aðferðir sem notaðar eru. Þar til bært yfirvald eða stofnun sem hvert aðildarríki tilnefnir í þessu skyni skal gefa vottorðið út.
- Til þess að fá vottorð skal umsækjandi njóta kennslu og standast próf sem þar til bært yfirvald í aðildarríkinu hefur viðurkennt.
- Helsta markmiðið með kennslunni er að umsækjendur öðlist nægilega þekkingu á allri þeirri áhættu sem felst í flutningi á hættulegum farmi, lögum og stjórnsýslufyrirmælum sem gilda um flutningsaðferðina og á skyldustörfum sem eru tíundað í I. viðauka.
- Prófa skal að minnsta kosti úr því námsefni sem tíundað er í II. viðauka.
- Vottorðið skal vera í samræmi við eyðublaðið í III. viðauka.
- Öll aðildarríkin skulu viðurkenna vottorðið.

### 6. gr.

#### Gildistími vottorðsins

Vottorðið gildir í fimm ár. Gildistími þess framlengist sjálfkrafa um fimm ár í senn ef handhafi þess hefur á síðasta gildisári sótt upprifjunarnámskeið eða staðist próf sem þar til bært yfirvald hefur viðurkennt.

### 7. gr.

#### Slysaskýrslur

Verði slys við flutning, fermingu eða affermingu sem fyrirtæki annast er veldur tjóni á fólki, eignum eða umhverfi skal ráðgjafi taka saman skýrslu um slysið eftir að hafa aflað viðeigandi gagna og leggja fyrir stjórn fyrirtækisins eða staðaryfirvöld, eftir því sem við á.

Skýrslan kemur ekki í stað skýrslu frá stjórn fyrirtækisins sem kann að vera krafist í aðildarríkjunum samkvæmt alþjóðalögum, lögum bandalagsins eða landslögum.

### 8. gr.

#### Aðlögum tilskipunarinnar

Samþykkja skal nauðsynlegar breytingar til að aðlaga þessa tilskipun vísindalegum og tæknilegum framförum á sviðum sem falla undir gildissvið hennar, í samræmi við málsmeðferð sem mælt er fyrir um í 9. gr.

**9. gr.**

1. Framkvæmdastjórnin skal njóta aðstoðar nefndar um flutning á hættulegum farmi sem komið er á fót með 9. gr. tilskipunar 94/55/EB, hér á eftir kölluð „nefndin“, og er skipuð fulltrúum aðildarríkjanna undir formennsku fulltrúa framkvæmdastjórnarinnar.

2. Fulltrúi framkvæmdastjórnarinnar leggur fyrir nefndina drög að þeim ráðstöfunum sem gera skal. Nefndin skal skila álitinu sínu á drögnum fyrir þau tímamörk sem formaðurinn setur eftir því hversu brýnt málið er. Álitin skal samþykkt með þeim meirihluta sem mælt er fyrir um í 2. mgr. 148. gr. sáttmálans þegar um er að ræða ákvarðanir sem ráðið á að samþykki samkvæmt tillögu framkvæmdastjórnarinnar. Atkvæði fulltrúa aðildarríkjanna í nefndinni veða eins og mælt er fyrir um í þeirri grein. Formaðurinn greiðir ekki atkvæði.

3.a) Framkvæmdastjórnin skal samþykki fyrirhugaðar ráðstafanir séu þær í samræmi við álit framkvæmdastjórnarinnar.

b) Séu fyrirhugaðar ráðstafanir ekki í samræmi við álit framkvæmdastjórnarinnar, eða skili hún ekki álit, ber henni án tafar að leggja tillögu fyrir ráðið um ráðstafanir sem gera skal. Ráðið tekur ákvörðun með auknum meirihluta.

Hafi ráðið ekki aðhafst innan þriggja mánaða frá því að tillagan var lögð fyrir það skal framkvæmdastjórnin samþykki fyrirhugaðar ráðstafanir.

**10. gr.**

Þessi tilskipun skal vera með fyrirvara um ákvæði um öryggi og heilbrigði starfsmanna á vinnustað sem mælt er fyrir um í tilskipun 89/391/EBE og í tilskipunum sem eru henni til framkvæmdar.

**11. gr.**

1. Aðildarríkin skulu samþykki nauðsynleg lög og stjórnsýslufyrirmæli til að fara að tilskipun þessari eigi síðar en 31. desember 1999. Þau skulu tilkynna það framkvæmdastjórninni þegar í stað.

Þegar aðildarríkin samþykki þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær verða birtar opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykki um málefni sem tilskipun þessi nær til.

**12. gr.**

Tilskipun þessari er beint til aðildarríkjanna.

Gjört í Lúxemborg 3. júní 1996.

Fyrir hönd ráðsins,

**T. TREU**

forseti.

## I. VIÐAUKI

### SKYLDUSTÖRF RÁÐGJAFANS SEM UM GETUR Í 1. MGR. 4. GR.

Ráðgjafinn hefur einkum eftirtalin skyldustörf á hendi:

- að fylgjast með því að farið sé að reglum um flutning á hættulegum farmi,
- að veita fyrirtæki sínu ráðgjöf um flutning á hættulegum farmi,
- að taka saman ársskýrslu fyrir stjórn fyrirtækisins sem hann starfar hjá eða staðaryfirvöld, eftir því sem við á, um starfsemi fyrirtækisins er varðar flutning á hættulegum farmi. Ársskýrslur skal geyma í fimm ár og skulu stjórnvöld fá aðgang að þeim fari þau fram á það.

Skyldustörf ráðgjafans fela einnig í sér eftirlit með eftirfarandi starfsvenjum og starfsaðferðum, er varða þá starfsemi fyrirtækisins sem lýtur að flutningi á hættulegum farmi:

- framkvæmd reglna um auðkenningu hættulegs farms sem á að flytja,
- með hvaða hætti fyrirtækið fullnægir sérstökum kröfum vegna flutnings á hættulegum farmi þegar fest eru kaup á flutningstæki,
- eftirlit með búnaði sem er notaður í tengslum við flutning, fermingu eða affermingu hættulegs farms,
- nauðsynlega þjálfun starfsmanna fyrirtækisins og skráningu hennar í skrár viðkomandi starfsmanna,
- framkvæmd neyðaráætlunar verði slys eða komi upp atvik sem gætu haft áhrif á öryggi við flutning, fermingu eða affermingu hættulegs farms,
- rannsókn og skýrslugerð, ef við á, um alvarleg slys, atvik eða alvarleg brot sem eru skráð við flutning, fermingu eða affermingu hættulegs farms,
- framkvæmd ráðstafana til að komast hjá því að slys, atvik eða alvarleg brot endurtaki sig,
- hvort tekið sé mið af lagalegum forskriftum og sérstökum kröfum er varða flutning á hættulegum farmi þegar undirverktakar eða þriðju aðilar eru valdir eða notaðir,
- sannprófun á því að starfsmenn sem vinna að flutningi, fermingu eða affermingu hættulegs farms starfi samkvæmt nákvæmum verklagsreglum og fyrirmælum,
- að tekna séu upp ráðstafanir sem eiga að auka meðvitund um þá áhættu sem felst í flutningi, fermingu og affermingu hættulegs farms,
- sannprófun á því að um borð í flutningstæki séu skjöl og öryggisbúnaður sem skylt er að hafa við flutning og að hvorttveggja sé í samræmi við reglugerðir,
- sannprófun til að tryggja að farið sé að reglum um fermingu og affermingu.

## II. VIÐAUKI

Til þess að fá vottorð er krafist í það minnsta þekkingar á eftirfarandi:

- I. Almennar forvarnar- og öryggisráðstafanir:
  - þekking á afleiðingum slyss þar sem við sögu kemur hættulegur farmur,
  - þekking á helstu orsökum slysa.
- II. Ákvæði um flutningsaðferð sem er notuð samkvæmt landslögum, stöðlum bandalagsins, alþjóðasamþykktum og -samningum, einkum með hliðsjón af eftirfarandi:
  1. Flokkun hættulegs farms:
    - aðferð við flokkun lausna og blandna,
    - kerfi fyrir lýsingu á efnum,
    - flokkar hættulegra farma og meginreglur um flokkun þeirra,
    - eðli hættulegra efna og vara í flutningi,
    - eðlisfræðilegir, efnafræðilegir og eiturefnafræðilegir eiginleikar.
  2. Almennar kröfur um pökkun, þar á meðal í tankskipum og -bifreiðum, tankgámum o.s.frv.:
    - umbúðategundir, skráning og merking,
    - kröfur varðandi pökkun og reglur um prófun umbúða,
    - ástand umbúða og reglubundið eftirlit.
  3. Hættumerkingar og merkimiðar:
    - hættumerkingar á merkimiðum,
    - áfesting og fjarlæging merkimiða með hættumerkingum,
    - viðvörðunarkerkingar og merkingar.
  4. Vísanir í flutningsskjöl:
    - upplýsingar á flutningsskjali,
    - samræmisýfirlýsing sendanda.
  5. Sendingaraðferð og takmarkanir á afgreiðslu:
    - fullfermi,
    - búlkafarmur,
    - flutningur í stórum búlkagámum,
    - gámaflutningar,
    - flutningur í föstum og færanlegum tönkum.
  6. Farþegaflutningar.
  7. Bann við og varúðarráðstafanir vegna blandaðra flutninga.
  8. Aðskilnaður efna.
  9. Takmarkanir á flutningsmagni og magni sem heimilt er að undanskilja.

10. Meðhöndlun og hleðsla:
  - ferming og afferming (fyllingarhlutfall),
  - hleðsla og aðgreining.
11. Hreinsun og/eða tæming gastegunda fyrir fermingu og eftir affermingu.
12. Áhöfn: starfsmenntun.
13. Skjöl fyrir ökutækið:
  - flutningsskjal,
  - skriflegar leiðbeiningar,
  - vottorð um viðurkenningu ökutækisins,
  - vottorð um starfsmenntun ökumanns,
  - staðfesting á starfsmenntun við flutninga á skipgengum vatnaleiðum,
  - afrit af undanþágum,
  - önnur skjöl.
14. Öryggisleiðbeiningar:
  - framkvæmd leiðbeininganna og búnaður til að verja ökumann.
15. Skuldbindingar varðandi eftirlit:
  - að leggja í stæði.
16. Reglugerðir og takmarkanir varðandi umferð og leiðsögn.
17. Losun mengunarefna í kjölfar aðgerðar eða fyrir slysi.
18. Kröfur um flutningsbúnað.

## III. VIÐAUKI

## EYÐUBLAÐ FYRIR VOTTORÐ SEM UM GETUR Í 5. MGR. 5. GR.

## EB-vottorð um þjálfun öryggisráðgjafa við flutning á hættulegum farmi

Númer vottorðs: .....

Einkennisstafur aðildarríkisins sem gefur vottorðið út: .....

Föðurnafn/Eftirnafn: .....

Nafn (nöfn): .....

Fæðingarstaður og -ár: .....

Ríkisfang: .....

Undirskrift handhafa: .....

Gildir til ..... að því er varðar fyrirtæki sem flytja hættulega farma og fyrirtæki sem sjá um tilheyrandi fermingu og affermingu:

- á vegum
- á járnbrautum
- á skipgengum vatnaleiðum

Útgefið af: .....

Dagsetning: .....

Undirskrift: .....

Framlengt til: .....

Af: .....

Dagsetning: .....

Undirskrift: .....